

Saksprotokoll

Utval: Kommunestyret
Møtedato: 26.04.99
Sak: 0027/99

Resultat:

Arkivsak: 99/00413
Tittel: SAKSPROTOKOLL: VEDTEKTER FOR NÆRINGSFOND
(KRAFTFOND) I VAKSDAL KOMMUNE

Behandling:

Vedtak:

§ 1 Kraftfond - heimel, kapital og avkasting

a. Fondskapitalen er:

Næringsfond på kr. 5.900.000 innbetalt av Bergenshalvøens Kommunale Kraftselskap (BKK). Oppretta ved Kongeleg resolusjon slik:

Bergsdalsvassdraget m.v. kr. 0

- 13.07.28 Hamlagrøvatn
- 13.07.28 Torfinno
- 02.07.48 Vidare regulering av Bergsdalsvassdraget
- 31.08.62 Overføring av Ljosvatn og Holmavatn
- 24.04.64 Ytterlegare senking av Hamlagrøvatn m.v.

Eksingedalsvassdraget m.v. kr. 5.900.000

- 04.03.66 Evanger Kraftverk (kr. 400.000)

- 14.11.69
- 29.09.70
- 18.01.80
- 25.02.83 Myster Kraftverk (kr. 1.500.000)
- 17.07.92 Nygård og Åsebotn (kr. 4.000.000)

b. Avkastninga er:

- Årlege konsesjonsavgifter som vert innbetalt av BKK i medhald av konsesjonsvilkåra for noverande og framtidige reguleringar.
- Renter og anna avkastning av fondskapitalen gjeven ved kongeleg resolusjon

Avkastninga kan nyttast til tilskot og lån på vilkår.

§ 2 Formål

Kraftfondet skal i hovedsak nyttast til næringsføremål. Fondet kan også nyttast til kommunale tiltak.

Prosjekt som medverkar til betre mogelegheiter for sysselsetting for kvinner og ungdom bør prioriterast.

Følgjande typar av prosjekt vil vere aktuelle å støtte:

- kommunalt tiltaks- og næringsarbeid
- fysisk tilrettelegging for næringsverksemd
- verksemdsutvikling
- investeringar i verksemd

Løn til næringskonsulent/-sjef kan finansierast av fondet.

Det kan ikkje gjevast stønad til sanering av gjeld eller til løpande drift av verksemd og kommunen. Det bør heller ikkje gjevast stønad til verksemd som mottek store overføringar over statsbudsjettet. Midlar frå fondet kan kun nyttast til investeringar i varige driftsmidlar.

Gjeldande Strategisk Næringsplan vil vere grunnlag for prioritering av prosjekt.

Næringslivet i kommunen må trekkjast aktivt med i arbeidet ved rullering av næringsplanen.

Næringsplanen skal ha ein strategi for kvinne- og ungdomsretta tiltaksarbeid.

§ 3 Stønadsformer

Stønad kan gjevast som lån. Vidare kan det stillast garanti for kommunale tiltak i den grad slike er

gyldige garantiføremål etter kommunelova § 51, jfr. forskrifter frå departementet om "kommunale garantistillelse".

I tillegg kan det frå avkastinga gjevast tilskot og lån på vilkår. Midlane bør ikkje nyttast til aksjeteikning i private verksemder. Dersom det vert teikna kommunale aksjar, kan ikkje dette utgjere meir enn 30% av aksjekapitalen i verksemda. Denne avgrensinga gjeld ikkje utviklingsselskap, utleigebygg o.l. som kommunen etablerer i samarbeid med private interessentar.

§ 4 Tilhøvet til internasjonale forpliktingar på statsstøtteområdet

Bruken av fondet må vere i samsvar med dei internasjonale regelverk Noreg har slutta seg til på statsstøtteområdet. (Sjå EØS-avtalen sitt regelverk for offentleg stønad, EØS-tillegget til dei europeiske fellesskapets tidende nr. 32 av 3. september 1994 med seinare tillegg og endringar).

§ 5 Stønadsvilkår

Samla finansiering frå fondet til private næringstiltak skal som hovedregel ikkje overstiga 50% av den totale kapitaltrongen for eit prosjekt. Ved prosjekt som er spesielt verdfulle for kvinner og ungdom, og ved nyetableringar kan det gjevast inntil 75% finansiering.

Stønad (tilskot og eventuelt subsidieelement i lån med nedsett rente) skal vere avgrensa til:

Maksimal bagatellmessig stønad må liggje innanfor ei samla grense på 100.000 ECU (omrekna i høve til referansekurs fastsett av ESA (EFTA Surveillance Authority) – EFTA sitt overvakingsorgan – kvart år) til ei og same verksemd i ein treårsperiode. Verksemder som mottek stønad pliktar å opplyse om bagatellmessig stønad verksemda har motteke dei siste 3 åra.

- Bagatellmessig stønad kan gjevast til alle verksemder uavhengig av storleik.

- Det kan gjevast bagatellmessig stønad til alle typar kostnader og næringar, unnateke stønad til primær stålproduksjon, skipsbygging, transport og eksport.

§ 6 Forvaltning

Kommunestyret oppnemner fondsstyre. Det er høve til å delegere avgjerdsmynde frå fondsstyret til administrasjonen innanfor nærare fastsette fullmaktsgrenser. Slikt mynde kan ikkje gå ut over dei avgrensingar som følgjer av kommunelova sine reglar og dei kommunale og fylkeskommunale budsjett og rekneskapsforskrifter.

Fondsmidlane vert plasserte på rentebærande konto slik at midlane er disponible til ei kvar tid. Renter og avdrag vert attendeført til fondet. Anna plassering av midlane kan berre godtakast dersom dette ikkje er til hinder for at midlane kan disponerast til ei kvar tid.

Budsjettet og rekneskapen (inkl. balanserekneskapen) skal vera integrert i kommunen sitt budsjett og rekneskap i samsvar med gjeldande forskrifter. Det bør også utarbeidast vedlegg til rekneskapen som viser ei samla oppstilling av inntekter og utgifter til fondet.

Når det gjeld klageadgang vert det vist til punkt 4 i rundskriv H-17/98 frå kommunal og regionaldepartementet.

§ 7 Årsmelding

Det skal leggjast fram ei melding om verksemda til fondet for kommunestyret kvart år. Gjenpart av denne meldinga skal sendast fylkesmannen og fylkeskommunen.

Meldinga bør leggjast fram i samband med rekneskapsavslutninga for kommunen.

Kommunal- og regionaldepartementet ynskjer også at kommunen rapporterer om bruken av den del av fondsmidlane som går til næringsutvikling gjennom rapporteringssystemet som er utvikla gjennom Gaula IT-senter for dei kommunale næringsfonda.

§ 8 Godkjenning av vedtekter

Vedtektene kan endrast etter vedtak av kommunestyret. Vedtaket treng godkjenning av fylkesmannen. Kopi av godkjende vedtekter skal sendast til fylkeskommunen.